

黃氏逸書考



卷之五



子史鉤沈

逸書考

神農本草經

甘泉黃奭學

中經

中藥一百二十種爲臣主養性以應人無毒
有毒斟酌其宜欲遏病補羸者本中經

雄黃

石流黃

雌黃

水銀

石膏

慈石

凝水石

陽起石

孔公孽

殷孽

鐵精落

理石

長石

膚青

右玉石中品十
四種舊十六種

乾薑

棠耳實

葛根

括樓

苦參

當歸

麻黃

通草

芍藥

蠡實

瞿麥

元參

秦茸

百合

知母

貝母

白芷

淫羊藿

黃芩

狗脊

石龍芮

茅根

紫苑

紫草

敗醬

白鮮皮

酸醬

紫參

藁本

石韋

草薺

白薇

水萍

王瓜

地榆

海藻

澤蘭

防己

款冬華

牡丹

馬先蒿

積雪草

女苑

王孫

蜀羊泉

爵牀

假蘇

翹根

右草中品

四十九種舊

四十六種

本草綱目

桑根白皮

竹葉

吳茱萸

卮子

蕪荑

枳實

厚朴

秦皮

秦朮

山茱萸

紫葳

豬苓

白棘

龍眼

松蘿

衛矛

合歡

右木中品一十七種舊同

白馬莖

鹿茸

牛角膠

羖羊角

狗陰莖

麋羊角

犀角

右獸中品七種舊同

燕屎

天鼠屎

右禽中品二種舊三種

蝟皮

露蜂房

鼈甲

蟹

柞蟬

蟾蜍

烏賊魚骨

白僵蠶

鮐魚甲

樗雞

活蟪

石龍子

木蛭

蜚蛭

蜚廉

廕蟲

伏翼

右蟲魚中品一十種舊十六種

梅實

右果中品二種舊同

大豆黃卷赤小豆

粟米

黍米

右米穀中品
三種舊二種

蓼實

葱實

水蘇

右菜
中品

三種
舊同

雄黃味苦平寒主寒熱鼠癩惡創疽痔死肌
殺精物惡鬼邪氣百蠱毒勝五兵鍊食之輕
身神仙一名黃食石生山谷

吳普曰雄黃神農苦山陰有丹雄黃生山
之陽故曰雄是丹之雄所以名雄黃也
名醫曰生武都敦煌山之陽采無時

案西山經云高山其下多雄黃郭璞云旨
太興三年高平郡界有山崩其中出數十
斤雄黃抱朴子僊藥篇云雄黃當得武都
山所出者純而無雜其赤如雞冠光明
曄乃可用耳其但純黃似雄黃色無赤
光者不任以作仙藥可以合理病藥耳

石流黃

流舊作硫御覽引作流是

味酸溫主婦人陰蝕疽

痔惡血堅筋骨除頭禿能化金銀銅鐵奇物

御覽引云石流青白色主益肝氣明目石流赤生羌道山谷

生山谷

吳普曰硫黃一名石留黃神農黃帝雷公

鹹有毒醫和扁鵲苦無毒或生易陽或河

西或五色黃是潘水石液也

潘卽礬古字

燒令

有紫焰者八月九月采治婦人血結御覽云治

婦人絕陰道
合金銀銅鐵

名醫曰生東海牧羊山及太山河西山礬

石液也

案范子計然云石流黃出漢中又云劉馮
餌石流黃而更少劉逵注吳都賦注流黃
土精也

雌黃味辛平主惡創頭禿痂疥殺毒蠱蝨身
痒邪氣諸毒鍊之久服輕身增年不老生山

谷按御覽雌黃下
有石金精三字

名醫曰生武都與雄黃同山生其陰山有金金精熏則生雌黃采無時

水銀味辛寒主疹癰痂瘍白禿殺皮膚中蝨墮胎除熱殺金銀銅錫毒鎔化還復爲丹久服神仙不死生平土

名醫曰一名汞生符陵出於丹砂

案說文云澆丹沙所化爲水銀也廣雅云水銀謂之汞淮南子地形訓云自嶧九百歲生白澆白澆九百歲生白金高誘云白澆水銀也

石膏味辛微寒主中風寒熱心下逆氣驚喘

神農本草經
口乾舌焦不能息腹中堅痛除邪鬼產乳金
創生山谷

名醫曰一名細石生齊山及齊盧山魯蒙
山采無時

慈石味辛寒主周痺風溼肢節中痛不可持
物洗洗酸消除大熱煩滿及耳聾一名元石
生山谷

吳普曰慈石一名礪君

名醫曰一名處石生太山及慈山山陰有

鐵處則生其陽采無時

案北山經云灌題之山其中多磁石郭璞云可以取鐵管子地數篇云山上有慈石者下必有銅呂氏春秋精通篇云慈石召鐵淮南子說山訓云慈石能引鐵只作慈舊作磁非醫別出元石條亦非

凝水石味辛寒主身熱腹中積聚邪氣皮中如火燒煩滿水飲之久服不飢一名白水石生山谷

吳普曰神農辛岐伯醫和扁鵲甘無毒李

氏大寒或生邯鄲采無時如雲母色

御覽引云

一名寒水石

名醫曰一名寒水石一名凌水石鹽之精

也生常山又中水縣及邯鄲

案范子計然云凝水石出河東色澤者善

陽起石味鹹微溫主崩中漏下破子藏中血

癥瘕結氣寒熱腹痛無子陰痿不起御覽引作陰陽

不補不足御覽引有句攀二字一名白石生山谷

吳普曰陽起石神農扁鵲酸無毒桐君雷

公岐伯鹹無毒李氏小寒或生太山御覽引云

或陽起山

采無時

名醫曰一名石生一名羊起石雲母根也

生齊山及琅邪或雲山陽起山采無時

孔公擘味辛溫主傷食不化邪結氣惡創疽

瘰痔利九竅下乳汁

御覽引云一名通石大觀本作黑字

生山

谷

吳普曰孔公擘神農辛岐伯鹹扁鵲酸無

毒色青黃

名醫曰一名通石殷擘根也青黃色生梁

山

殷孽味辛溫主爛傷瘀血洩利寒熱鼠瘻癰

痕結氣一名薑石生山谷

按此當與孔公孽爲一條

名醫曰鍾乳根也生趙國又梁山及南海

采無時

鐵精平主明目化銅鐵落味辛平主風熱惡

創瘍疽創痂疥氣在皮膚中鐵主溼肌耐痛

生平澤

舊爲三條今并

名醫曰鐵落一名鐵液可以染阜生牧羊

及朮城或析城采無時

案說文云鐵黑金也
或省作鐵古文作鐵

理石味辛寒主身熱利胃解煩益精明目破
積聚去三蟲一名立制石生山谷

名醫曰一名肌石如石膏順理而細生漢
中及廬山采無時

長石味辛寒主身熱四肢寒厥利小便通血
脈明目去翳眇下三蟲殺蠱毒久服不飢一
名方石生山谷